

محراب

انقلابی ، اجتماعی ، فلسفی ، تاریخی ، ادبی مجموعه در
شبهه‌یك آینده بر نشر اولنور

مترجمان

متفكرلر آراسنده پريشانتلق محمد امين
اون برنجي عصر هجریده تورك منابع عرفانی و اندرون مفتي اوغلي احمد حكمت
مصر ماصالى و امير علامه الدينك عشق رؤياسي قديره حسين
آناطولوده معدني صولر م . شرف
و تاريخ حكمت ، ده صوفيون طاهر حريمي
سپاونه قاضي اوغلي و شيخ بدرالدين شرف الدين
مستصفوه سوزلر يمي ، تصوفك ظفرلر يمي ازميرلي اسماعيل مفتي

مستصوفه سوزلریمی ، تصوفک ظفرلریمی

اورفه مبعوثی شیخ صفوت افندییه (کچن نسخه دن مابعد)

۴ — « آنجیق نزا کته [۱] رهایه ائمه حدیث اولیه بر قاعده قبول ایتیشلر ایسه
هاخذک ارانه سیله تنویر من التماس ایدلمشدر . »

ج — قولکنز ایله ادعا ایتدیککنز نزا کت بر برینی طوتمیور .

۵ — « شرح و تحلیل کبی ایضاح و تفصیل باشند باشه تحریف ، تدلیس ، مغالطه . »

ج — دارالحکمة او ایضاح و تفصیلی کورمش ذات هالیکنک کوردیکنی کوره مامش ،

گندی مهریله کوندرمشدر . دیمک که هیئتمن تمامیه فافل اولورده طاجزانه فضله بر اعتماد

خطاسیله بو درکله اینیور بومی ادعا ایتدیککنز نزا کت !

*
* *

۳ — اقامه معذرت

۱ — « خلوص نیتله یازیلان استیضاح »

ج — « ماهیق اثبات ایدن آثار قلم در . »

۲ — « ایضاح و تفصیل جوابنامه سنده کوریلان غلطاتک جرح و تصحیحی . »

ج — « بوسوز طادتا شواذ اوستنه قواعد قورمق کبی در . »

— وابسته در خیالنه افعالی کیسه نک —

۳ — « تجری حقیقت و مدافعه حقایق سوداسی مراسم صوریه دوشونجه لرینه غلبه

ایتمش ایدی . »

ج — آینه سی ایشدر کشی نک لاقه باقیلماز —

۴ — « الشرح و تحلیلک همان هر سطرنده قلمکنزک بوسکوردیکی ادیبانه شدت

وحدتلی جهل و تزئیف معرضنده استادانه صولتلی . . . الخ »

ج — یا واعظ الناس قدا صبحت متهماً * اذ عبت منهم اموراً انت تأتیها

اصبحت تنصحتهم بالوعظ مجتهداً * والموبقات لعمری انت جانها

[۱] نازک فارسی در . نزا کتک عربجه معناسی یوقدر عجباً فصاحینه بر نظیره می یاپیلیور نه

عجیندرکه هر نه ایله اتهام ایتمش اولسه کنز بر نظیرینی یاپیورسکنز هله بند مخصوصی کلسون باقه لم .

۴ — فحیل دعوی [۱]

۱ — « جای بحث وجدال هپ اوجمله مهوده اوزرنده دونمکده اولدیغنه نظر آ »
 ج — بیلیرسکیز که بز اوجمله حقنده مقصد منری شویله ایضاح ایتیش ایدک. تصوف
 و اخلاق کتابلرنده مذکور اولان احادیثدن (علی الاطلاق احادیث دکلدر) معناسی منقهم
 اولسون ، بویله بر معنی خاطره ده کلز . بوندن مقصد منفرد اولدیقلری احادیثدر که
 ناقدین حدیث اولنرک احادیث اولمادیقلری تصریح ایتیشلردر. حدیثده معیار امهات کتب
 حدیث اولمقله اخلاق و تصوف کتابلرنده کی احادیث آنجق امهات کتبهده بولنور . ناقدین
 حدیث طرفلرندن ثبوتی حقنده طعن واقع اولمزه او وقت حدیث اولدیغنه حکم اولنور.
 مجرد تصوف و اخلاق کتابلرنده بولونمقله حدیث اولدیغنه حکم اولونماز .

الجرح والتعديله « بو نقطه ده هیچ بر اختلافز یوقدر » دیمکه ایضا حمزه بر شی
 دیمه مش ایدیکنز یالکنز شومفهوم ایلله اوقاعده نك [۱] منطوقی آرمسند فرقی بولمش ایدیکنز
 بونك اوزرینه ایکنجی کره شویله بر ایضاحده دها بولونمش ایدک: بز (محدثینك حدیث
 دیمه دیکلری اخبار ، تصوف و اخلاق کتابلرنده موجوددر) دعواسنی اورتیه قویدق ،
 ایشته بومعنا بی افهام ایچین هم اقوال ، هم عندالمحدثین قیدلری ذکر ایدلش ، مثال اوله رق
 (الناس نیام فاذا ماتوا انتبهوا) حدیثی اتیان قیلمشدر ... امهات کتبهده حدیث اوله رق
 ذکر اولنان حدیث ، تصوف و اخلاق کتابلرنده اتیان اولونمقله عجبا احادیث اوله دن
 چیقارمی ؟ بوکا هانکی قائل قائل اولور ؟ ... تصوف و اخلاق کتابلرینك منفرد اولدیقلری
 احادیثك محدثین عندنده احادیث اولماسی ایچین مطلقا ناقدین حدیثك ایلشیمه سی لازم
 کلیر . (عندالمحدثین حدیث دکلدر .) جمله سی محدثین بوحدیثه ایلشیرلر دیمك دکلیمدر
 یوقسه عندالمحدثین قیدینك نه فائده سی قالیر قیدلرده محط فائده آرانمازمی ؟

بوندن باشقه مثال ، مثل لهه مطابق اولمق ایچین [الناس نیام] کی محدثینك ایلشیدیکلری
 احادیث اوله جغه سیاق و سباق ده واضحاً دلالت ایدر . ناقدینك ایلشیدیکلری اقوالک جوغی
 متصفوه و کبار سوزی اولوب بر آزی اویله دکلدر ، بر طاقیم وضاعلرک ، مثلاً بعض

[۱] کرک خاتمه ده ، کرک مقدمه ده جمله مهوده عنوانیله یازدیغکنز مطالعه لرک جوابنی خاطر
 عالیکز ایچون بوراده یازیورم .

[۱] تصوف و اخلاق کتابلرنده احادیث نبی اوله رق کوستریلان اقوال ، محدثین عندنده حدیث
 نبی دکلدر ، بلکه بک چوغی کبار ، متصفوه سوزلیدر .

زنادقه نك سوزی اولمقله (چوغی کبار ومتصوفه سوزی در) دیمشدم . محدثنك ایلیشدکری
دها بر طاقم احادیثی ده یازمق فکرنده ایدم . فقط پک اوزایه جنی جهتله بر حدیث ایله
اكتفا ایتدم . (محدثنك ایلیشدکری احادیث) سوزینه بدل اقوال تعیری قولا اندم .
(محدثین غندنده) قیدینی ده علاوه ایتدم مثالدن ، سیاق وسباقدن آکلاشیلیرظن ایتدم .
بو ایضاحك ثم التدارك بر ایضاح اولمديغنی ده اون سنه اول قلمه آلدیغم بر اثرم [۱]
ایله اثبات ایتدم آرتیق بحثه ختام ویرمك سوء تفهیم ازاله اولونمق لازمه دن ایکن باشقه
وادیلره صاپورسکمز . اول امرده « بو کتابلرده مندرج احادیثك اکثری حدیث نبی
دکیلدر . اقلی حدیث نبیدر » مغالرینی استخراج ایدرک بوتون مطالعاتی بواساسلراوزرینه
سرد ایدیورسکمز فقط آنفا بیان اولنان ایضاح اوزرینه بوجهت براقیلیور ایسه ده ایکی
دعوا ایله ینه اوبجئی تازدلیورسکمز .

- ۱ — نهیه مقدمه ده دعواي تحلیل ابطال اولونمورده نهایتلره دوغرو ذکراولنیور .
- ۲ — عبارده سلامت یوقدر .

بو کرده بوایکی دعوايه جواب ویرمك مجبوریتده بولنیورم :

- ۱ — فی الواقع ایضاح وتفصیلده [۱] اول باول تصوف کتابلرنده بر چوق احادیث
موضوعه بولندیغنی ایضاح ایتدم ، فقط صوفیه کرامی حدیث وضعندن تبرئه ایلدم . بوجهتی
ایضاح ایتدکسزین مقصده متوجه اوله مازدم « الجرح والتعديل » ک سرد ایتدیکی اعتراضاته
جواب ویرمش ایدم . بو بحث طبیعتی ایله خاتمه ده قالدی . آرتق نرده رجعت قهقریه ؟
نرده سوزدن دوئم ؟ برآز انصاف کرکدر ، انصاف .
- ۲ — هایدی عبارده سلاست یوقدر دیلم ایش اورایه قاله جق بوندن نه قازانیورسکمز ؟
بو خصوص تصوفک ظفرلرینه داخل اولورمی ؟ حال بوکه عبارده دلالت ده واردر ،
سلاست ده . شویله که ، احادیث لفظی (عام مخصوص) در ، تخصیصک قرینه سی ده [اقوال]
قیدی در . بومعناي قصد ایتمش اولسیدم تصوف کتابلرنده کی احادیث دیه بیلپر دم ، اقوال
قیدینی ذکر ایتدیکمک وجهی ایشته بودر . بیلیورسکمز که « مامن عام الاوقدخص منه البعض »
قاعدہ سی اصول فقہک قواعد مشهوره سندندر . ایشته عبارده مزده عام اولان احادیث
منفرد اولوب ناقدینك ایلیشدکری احادیث صورتیه مخصص اولمش اولور .

[۱] سیر جلیله نبویه مقدمه سی .

[۱] دارالحکمه نامنه یازدیغم جواب

عام مخصوصه مؤول دینمز ، بیلیرسکیز که تأویل باشقادر، تخصیص باشقادر. بناءً علیه تأویل دیمه کز، اونیده مفهوم مؤول تعبیریه افاده ایتمه کزدوغری دکلدر. موضوع ایله محمول آره سنده کی جمله کانهجه جمله موضوع ایله محمول مفهوما وذهنا متغیر، ذاتاً و خارجاً متحد اولور، موضوع ایله محمول اتحادی عیب دکلدر سلاستی ده مغل دکلدر. بلکه عیب اولان ، سلاستی اضلال ایدن جهت موضوع ایله محمول عینیتی در . هر قضیه ده ایکی عقد وارد در: عقد وضع ، عقد حمل . عقد وضعک معلوم ، عقد حملک مجهول اولمسی لازمدر یعنی ذات موضوعک وصف موضوع ایله متصف اولمسی هر حالده معلوم اولور . فقط ذات موضوعک وصف محمول ایله اتصافی ایسه هر حالده مجهول اولور. وصف موضوع ایله وصف محمول جهتلی اعتباریه آیری اولور. عقد وضع بعضاً عقد جلی ایله استلزام ایدر ایشته حکم او وقت لغو اولور بعضاً استلزام غیرجلی ایله مستلزم اولور بو حالده حکم مفید اولور ، حکم مفید اولدیمی یا بیسانه محتاج اولمازده بدیهی اولور ، یالیکز هرایکی طرفی تصور ایله یا احساس ایله ، یا تجربه ایله ، نهایت بر شیک انضمامیه امعانه محتاج اولور. یاخود حکم بیانه محتاج اولورده نظری اولور. شرح عقائم اطرافه مراجعت اولنه .

عباره من حقنده ایراد ایتدیگیز اعتراض [مثال اوج ضلعی برشکلدر ، شمس کوکب نهاریدر] جمله لرینه ، حتی بوتون تعریف ایله معرفی افاده ایدن جمله لره شامل اولور . چونکه مثال اوج ضلعی برشکلدر ، اوج ضلعی بر شکل مثلاًدر ؛ شمس کوکب نهاریدر ، کوکب نهاری شمسدر ؛ تعریفلر برر قضیه مقلوبه در .

زواللی شاهرک (کائنا والماء من حولنا ، قوم جلوس حولهم ماء) لفظاً ومعنی اتحاد وارد . نه حاجت ! علماء بیانک (شعری شعری) جمله سنده کی توجیه ادبی معلوم عالی اولسه کرکدر. امام اعظم ابوحنیفه نک اوزاعی به قارشی ویردیکی جوابده تمامیه موضوع ایله محمول اتحاد ایش ایدی قال الامام الهمام: کان حماد افقه من الزهری وکان ابراهیم افقه من سالم وعلقمة ایس بدون ابن عمر فی الفقه وان کانت لابن عمر صحبة وله فضل صحبة والاسود له فضل کبیر وعبدالله عبدالله فسکت الاوزاعی .

بخاری شارحی قسطالانی نک مبتدا ایله خبرک اتحادی حقنده کی توجیه علمیه یله بویجشک موصول حسن ختام اولمسی تمفی ایدرز :

قال بعضهم اذا اتحد لفظ المبتدأ والخبر الشرط والجزاء عام منهما المبالغة اما فی النظم کقوله:

فمن كانت هجرته الى الله ورسوله فهجرته الى الله ورسوله وامافي التحقير كقوله : فمن كانت هجرته الى دنيا .. الحديث .

ارتق اتحاد ايله عيني قاريشديرانلره نه جواب ويره بيليرم ؟ تتبعه ويا انصافه دعوتدن باشقا نه يابه بيليرم ؟ (فكر سليم ايله نظر ايدنلره خفي دكيلدر) سوزيني صرف ايتيهيم مي ؟
 ۳ — اوت [تصوف و اخلاق كتابلرنده بولنوبده ائمه حديث غندنده ثابت اولميان احاديثك پك چوغى كبار ومتصوفه سوزى ، قسم قليلي ده اشخاص سائرهنك سوزيدر]
 بولنده افاده ده واضحدر . فقط عبارده من ده منقحدر [۱] .

۴ — بو بنده كي تزييفلري ده سكوت ايله كچيشدير يورم .

۵ — ينه او فحيل دعوى

بو بنده بي سود تصرفاتده بولنيورسكز ، بسوزلري كزي ده بروجه آتى رد ايد يورم :
 تصوف كتابلرنده نه قدر احاديث وار ايسه هپسك موضوع اولديغنى اعتقاد ايدن ، عوام ناسي ده تصوف كتابلرينك مطالعه سندن تنفير قصد ايدن كيمسه [تصوف كتابلرنده كي احاديثك هيچ بري حديث ني دكيلدر] ديرده تامدن تخيص احتمالي رفع ايدر . يوقسه برطام قيودات ايله افاده ايتمز بو فحيل مفهومي قصد ايدرك يازمق افساددن باشقا برمعياني افاده ايتمز . هيچ بروجهله افسادي قبول ايتمز . هر كيم بوتلقيده بولنورسه اكا عينييه رد ايدرم
 ۲ — تصوف كتابلرنده اكثر احاديثك موضوع اولديغنه اعتقاد ايدن كيمسه [تصوف كتابلرنده كي اكثر احاديث حديث ني دكلدر] ديرده افراد موضوعي اهمال ايله من ، [اقوال] قيديني ده علاوه ايتمز .

۳ — تصوف كتابلرنده كي احاديث آره سنده بعض احاديث موضوعه بولنديغنى آكلا تمق ايستين في الواقع (تصوف كتابلرنده كي احاديث آره سنده عند المحدثين ثابت اولميان اقوال واردر ، بواقوالك پك چوغى كبار ومتصوفه سوزلريدن) طرزنده يازار فقط شايان دقت برچوق احاديث موضوعه بولنديغنى ، بوا حاديثه ناقدن حديثك ايليشدكلريني آكلا تمق احاديث شريفه ده ، امام اعظمك قولنده ، (شعري شعري) جمله سنده اولديغنى كي مبالغه قصد ايتك ، بوني ده برنوط ايله يازمق ايسته سه جريده علميه ده كي كي يازار بوبابده ضابطه ياليكز ذوق شخصي در . الويرر كه حكم لغو اولسون ، تصوف و اخلاق كتابلرنده مثلاً :

لی مع الله وقت - ماوسغنی سمائی - من عرف نفسه - قد اسعت حیه الهوی - کنت کنزاً -
 الشيخ فی قومه - انا عند المنکسرة قلوبهم - القلب بیت الرب - الفقر فخری - لولاک - حب الدنیا -
 عند ذکر الصالحین - حسنات الابرار - السلامة فی العزلة - السنة الخلق - کل ما شغلك عن الله -
 ان من العصمة - الدنیا جيفة - الدنیا قطرة - اذا تجرثم فی الامور - موتوا قبل ان تموتوا -
 الناس نیام - الفرار مما لا یتطاق - ما بکیت من دهر - افضل العبادۃ - اذا صدقت المحبة -
 المقدر کائن - الغناء رقیة الزناء... الخ کبی اقوال، محدثین طرفلرندن طعنه او غرار سه ایشته
 حدیث دنیلان بواقوالک هیچ بری حدیث دکیلدر. بلکه چوغنی کبار، متصوفه سوزیدر.
 دیمک ایلله حکم لغو اولورمی؟ بونده صاپلانوب قالمق ده نه معنی وار. اویله ظن ایدیورم که
 قوة مخیله نیک انکشافی قوة فکریه نیک انکشافه مانع اولیور. افکار ثلثة مذکورده بی جمل
 ثلثة مذکورده قصر، قصر ادعائی اولور، هر کسک افاده سی براولماز. افاده لر واضح
 اولور، منقح اولور، مغلق اولور، اولور، اولور. مقصدی ایضاح ایتدکن صو کرایا لیکز
 افاده ده سلاست یوقدر دینه بیلیر. بوادعابجا اوله بیلیر. اوجهته ده جواب ویریلنجه باشقانه قالیر؟
 ۴ - عبار مزده (اقوال) قیدینک ذکر ایدماکنز وجهله آداب شرعی و نزاهت کلامیه به
 مبفی دکلدر. آنجاقی احادیثک مخصوص اولدیغنه برقرینه در. (محدثین عندنده) قیدی ده
 آکلادیغکنز وجهله حکمک صحت و توثیق ایچین محمولک احترامندن دکلدر. بلکه نسبت
 حکمیه نیک قیدیدر. حکمی کیملرک قبول ایتدیکنی بیان ایچین ایراد اولونمشدر. طبق
 [عالم متکلمین عندنده حادث در] دیمک کبی در. آرتق، تحریریمز ایلله نزاع ساقط اولمش
 ایکن صیقیشدقجه خلاف مقصود عبارده دن بحث ایتک، کندی آکلادیغی معنایه باقهرق
 مجادله بی یوروتمک آداب مباحثه نیک نره سنده کورولمشدر؟ لوازمده بیله جدال روا دکل
 ایکن مخیل مقهورملرده جداله نه دیبهلم :
 ۵ - « موضوع محمولک اتحادی سببی ایلله فائده تامه خبریه دن تجرد ایده چکی »
 ج - شرح عقائد اطرافندن، قسطالانییدن نقلاً بوادعانک نه قدر چوروک اولدیغی
 بند سابقده بیان اولوش ایدی عجبا موضوع ایلله محمولک اتحادندن ناشی امام اعظمک سوزینه ده
 ایلشیلله چک می؟ شرط ایلله جزایی برلشدیرن قول رسوله نه دینه چک؟ آرتق بوواهی دعوایه
 ترتب ایدن اعتراضاتک قیمتی قالیرمی ظن ایدرسکنز؟
 ۶ - « دلیل اصولی بحقی جالب دقتدر... الخ »
 ج - (خاص) سوزی تصوف و اخلاقه عائددر، یالیکز بو کتابلرده کی احادیثه

هنحصردز دیمکدر. نته کیم الشرح والتحلیلده [تصوف و اخلاق کتابلرینک منفرد اولدقلری] سوزیله بونی ایضاح ایتشدک. یوقسه بوسوز بطریق العام ذکر اولنان احادیته عائد دکلددر. احادیث اولجه بند سابقده ذکر اولندیفی وجهله عام مخصوص در .

ایشته خاص قیدی احادیثه تعلق ایتدیره رک ایراد اولنان اعتراضاتده تمامیه ساقطدر. نتیجه من قیاس فاسد قیلندن بر مغالطه دکل، بلکه قیاس صحیح قیلندن دوغری بر مطالعه در. فی الواقع مناظر منری اصول فقه علمنه واقف عدایدرک تورکجه بر عبارتک مدلوله ولتده اصول فقه قاعده سندن استعانهیه مجبور اولدق . تنویر مدعی ضمنتده اویله بر قاعده بیان ایتدک بوده می قباحت ؟

۷ — [مقام بیانده سکوت حصری افاده ایدر] سوز منزه کلنجه او سوزده سابقی وجهله انجاق تصوف و اخلاق کتابلری حقنده در ، یوقسه احادیث حقنده دکلددر . جمله بی اکلادیغکز وجهله خاص قسمندن قبول ایتک اصول فقه قواعدینه مخالفدر. جمله وضع اعتباریله خاص قسمندن اوله ماز . چونکه خاص مفردک اقسامندندر . وضع مطلق ذکر اولندیمی اوندن وضع شخصی قصد اولنور . جمله لریک وضعی ایسه وضع شخصی دکل ، وضع نوعیدر . بوسوز یکزده یامساحه و یاذهول وارددر . التخریر ، عرفانه ، آله طریقه مراجعت اولنه .

بناء علیه جمله خاص دکل ، بلکه سالبه کلیه در یالیکز [احادیث] لفظی عام مخصوصدر . ایشته بوعامی کلیاً سلب ایتدک . صوکر (چوغنه کبار ومتصوفه سوزی) دیمکه (کری به قالان اقی کبار ومتصوفه سوزی اولقی مزیتندن محرومدر) دیمک ایستدک . کری قالان اقله حدیث نبی در دیمک آجیق بر تناقضی قبول ایتکدر . چونکه سالبه کلیه نیک نقیضی موجب جزئیهدر . سالبه کلیه صادق اولونجه ، موجب جزئیهدک کاذب اولسی لازم کلیر . بر جمله باشقا ، او جمله نیک اجزاسی ینه باشقادر . (مقام بیان ، خاص) تصوف و اخلاق سوزینه ، (عام مخصوص) احادیث سوزینه ، (سالبه کلیه) ده جمله یه عائددر .

« سلبک منفرد اولدقلری احادیثه تخصیصی هر حالده بیانه محتاجدر » سوزیکز علی الاطلاق دوغری دکیلدر چونکه عامی تخصیص هر وقت بیانه محتاج اولماز . عام بیان ایله تخصیص اولندیفی کبی ، عقل ایله ، حس ایله ، نقصان و زیاده نیک تفاوتی ایله ده تخصیص کولنور . بناء علیه بوسوزیکز بوراده جای تطبیق بوله ماز . مرآة مراجعت اولنه .

(عندالمحدثین) قیدی حقنده کی بیان تکرر ایدیور بوکا ماسبقده جواب ویرلمشدره
فی الواقع بویله بر مقامده بیانلرده بولونمقدن ایسه سکوت اولادر .

۸ — بلکه معناسنه کلان (بل) کلهسی حقنده بیان ابتدیککنز اصول فقه قواعدی
شایان تأملدر (بل) کلهسی مفردده بولنور ، جملهده بولنور ، اصردن اثباتدن صوکر اولور ،
نہیدن ، نفیدن صوکر کلیر بومحمله کوره (بل) کلهسنک معناسی دکشبر (بل) کلهسی
مفردده اضراب ایچیندر . امر و اثباتدن صوکر حکمی مابعدینه اثبات ایدر ، معطوف
علیه اولان حکم اولی ده مسکوت عنه کبی قیلار . یرده (بل ترقی) واردر که تساویدن
اعراض ایدر . اونی مسکوت قیلار ، ثانی یه اولویتی اثبات ایدر . بو (بل) ده (بل اضراب) دندر .
نهی و نفیدن صوکر کلان (بل) حکم اولک ضدینی مابعدینه اثبات ایدر ، نفی تقریر ایدر .
(بل) جملهده ابطال ایچیندر جمله اولایی ابطال ایله مابعدینی تقریر ایدر نته کیم (بل عباد
مکرمون) نظم جلیلنده ابطال ایچیندر . برده غرض اولدن اعراض ایچیندر . نته کیم (بل
تؤثرون الحیوة الدنیا) نظم جلیلنده اعراض ایچیندر . جمله ثانیسنک جمله اولایه نفیاً و یا
اثباتاً موافق اولمسی ده جائزدر : بل اتم قوم تجهلون ،

اوت (بل) کلهسی اعراض ایچیندر . فقط بو اعراض متنوع اولور ، بعضاً اولی
مسکوت و یا مقرر قیلمقله ، بعضاً اولی و یا اولک غرضی ابطال ایتمکه اعراض حاصل اولور .
(بل) کلهسنک اضراب ایچین اولمسی ده مطلق دکلدر بلکه صدر کلامک رد و رجوعه
احتمالی اولدینی زمانه مخصوصدر . یوقسه عطف منزله سننده در که ثانی اوله علی سبیل الجمع
اثبات اولنور . نته کیم برکیمسه مدخول بهاسنه (انت طالق واحدة بل اثنین) دیسه اوج
طلاق واقع اولور . اصول فقه ونحو کتابلرینه مراجعت اولنه .

کوریلیرور که بیان بیوردیفکنز وجهله « (بلکه) اداتنک نفیاً و اثباتاً بر حکمی افاده
ایتمکسزین ماقبلنی مسکوت براقهجنی » حقنده کی قاعده عمومیتی اعتباریله دوغری دکیلدر .
تطبیق اعتباریله استخراج ایتدیکنز معناده فاسددر .

« (بو کتابلرده مندرج احادیثک اکثری حدیث نبی دکیلدر) قضیهسی سالبه کلیه میدر »
سوزیکنزه کلنجه بز اکلادیفکنز معنایی افاده ایدن او جمله حقنده سالبه کلیه دیمدک بلکه
عام مخصوص اولمق اوزره (او طعن اولسان اقوالک هیچ بری حدیث دکلدر) دیمک
ایستدک ارتیق نصل اولورده بعضیسی حدیث نبی اوله بیلیر . ارتیق مفهوم مخالف دیدیککنزه
موهوم مخالف دیمکده حق قازانمقد می ؟ یا کلاش کلامه نک قباحتی بز می یوکلنسون دیمه یه لم می ؟